

1. de Arbitris. A. G. R. Hammer, R. J. A. Gumpelzheimer.
2. de bone merito. A. P. Muller, R. Echuslaeg.
3. de Carta Trobelianica. C. G. Berger.
4. de Demonstratione, von der Erstirning. F. Müller
A. F. Philippi. E. J. Schumann.

DISSE^TRAT^IO JURIDICA

33

XXVII.

Quam
D.

Testamentis solen- nibus & minus solennibus.

Magnifici & Nobilissimi J^Ctorum Ordinis indultu,

SUB PRÆSIDIO

VIRI

Nobilissimi, Amplissimi atq^z, Consultissimi,

DN JOHANN. CAROLI NÆVII,

J. U. Doct. & Curiæ Provincialis, qvæ hīc est,
Protonotarii,

Dn. Promotoris & Præceptoris sui etatem
devenerandi

Publicæ disquisitioni subjicit

ANDREAS REICHARDT


Posonio-Pannonius


In Acroaterio Juridico

ad d.

M. DC. LXXV.

Literis MATTHÆI HENCKELII, Acad. Typogr.





PROOE MIUM.

Eteres accuratam & sollicitam
diligentiam in ordinandis testa-
mentis adhibuisse, ita ut sine Ju-
risperito, vix quisquam testari
ausus fuerit ex L. Titii subscri-
ptione testamentaria in l. 88. §. ult. ff. de legatis
2. manifestum est. Qualis nimia & scrupulo-
sa subtilitas licet beneficio sacratiss. Imperato-
ris Justiniani qvoad maximam partem hodie
temperata sit, §. §. fin. Inst. de legatis ut & l. 24.
Cod. de testam. freqventes tamen adhuc in fo-
ro controversias circa testamentorum materi-
am moveri & continuari nulla non Civitas ex-
peritur: ut hinc meritò ultimarum volunta-
tum formas, queis jure civili, communi & sta-
tutario constant, indagare, necessaria non mi-
nus atqve utilis opera sit. Cui propterea se-
quentes paginas nomine speciminis Academi-
ci sum conlecratus. Deum pro felici successu
supplex devenerans, & Lectoris benevolentiam
obsvranter & amicè expetens.

a

NUM. I.

Num. I.

Nutilissima hac testamentorum ma-
teria, primū cuinam juri ea debeat originem,
disquivendum putavi. Non enim una est omni-
um hac de re sententia. Alii namque originem te-
stamentorum juri gentium, alii juri civili in totum adscribunt,
aliive distingvunt inter originem & formam testamentorum, illa-
lamque solum juri gentium, & hanc juri civili tribuunt. Mihi
media arridet eō, qvod (a) dicatur potestatem heredum insti-
tuendorum à lege XII. tab. concessam esse: Qvum si ita se ha-
bent, qvid magis veritati conveniens, qvām ejusdem juris testa-
menta esse, cuius juris est ipsorum forma substantialis.

Num. II.

Testamentum ex eo appellari, qvod testatio mētis sit; Im-
perator (b) nos edocet: qvam etymologiam Valla (c) ex Auli
Gelli in Noctibus Atticis autoritate (d) taxat: qvid igitur inqvi-
ens Calciamentum? qvid Paludamentum? qvid Pavimentum?
qvid Vestimentum? qvid alia mille per hujusmodi formam pro-
ducta? etiam ne omnia ista à mente compōsta dicemus? Alcia-
tus tamen (e) Imperatorem nostrum excusat, qvod solum al-
lusionem adducat, qvæ non ad vocis originem, sed soni tantum
similitudinem referatur, vel etiam cum aliis diei potest, mentis
vocabulum ad majorem declarationem adjectum esse, ne quis
qvamcunque testationem pro testamento agnoscat, sed eam tan-
tum, qvæ sit mentis ultimæ defuncti. (f)

Num. III.

Plenius testamentum definitur à Modestino (g) Qvod sit
voluntatis nostræ justa sententia, de eo qvod quis post mortem
suam fieri velit. Et Ulpianus in fragmentis, Cujacio commen-
to-

(a) in l. 120. ff. d. V. S. (b) pr. Inß. de test. ord. (c) lib. 6. Elegan.
cap. 36. (d) lib. 6. cap. 12. (e) lib. 4. de V. S. (f) Arumaev
Exer. 7. tb. 1. Obrecht. Disq. civ. 19. tb. 25. & seq. (g) in l. 1. ff.
qui test. fac. poss.

morante (h) id describit esse mentis nostræ justam contestationem, in id solemniter factam, ut post mortem nostram valeat. Et ista definitio variè impugnatur, ut passim videre est apud Dd. Ego parum referre arbitror, an quis per vocem Justa firmam validamque, vel perfectam, vel plenam atque integrum aut legitimam sententiam intelligat, dummodo solennis sit, & ad juris regulas conformata (i) Nam si testamentum non jure factum dicitur, ubi juris solennia desunt: satis patet à contrario sensu, testamentum jure factum ac justum appellari, ubi dispositio solenniter juxta normam legalem facta est.

Num. IV.

Atque hinc merito Codicillos in hac definitione non contineri puto, quia sunt ultima voluntas minus solennis, circa heraldis institutionem, de eo quod quis post mortem suam fieri velit, coram quinque testibus declarata. (k)

Num. V

Subjectum capax & habile ad libere disponendum de rebus suis, (l) quomodo & qualiter ex post mortem distribui debent; ante omnia sit sancta mentis & sui juris tempore testatione (m) cum & testamenti factionem habeat: Et quidem pollet ea quilibet, cui non prohibitum. Prohibitio autem in iure nostro duplex occurrit, vel ob singularem qualitatem personæ testantis, quæ magis à Juris Civilis dispositione dependet, vel ob defectum aliquem naturalem, qui potius iuri gentium, originem deberet,

Num. VI.

Priori modo testamentum facere non possunt. (n) [i] Filii fam. (o) licet Pater filio testamenti factionem concedat. (p) Quia

A 2

(b) ad d. l. ff. eod. (i) juxta l. i. ff. de injust. nupt. Obrechte. diff. 19. tb. 81. & seqq. (k) l. 7. Cod. de codicill. Cujacius Comment. ad l. i. ff. qui test. fac. poss. (l) l. 10. Cod. de test. (m) Duarenus ad l. i. ff. qui test. fac. poss. (n) per l. 19. ff. qui test. fac. l. 3. & penult. Cod. eod. (o) pr. Inst. quib. non est perm. & l. 6. l. 16. ff. eod.

testamenta per se firma, nec à Patris, vel alieno arbitrio pende-
re oportet. Sed prohibitio hæc non simpliciter in omnibus fi-
liorum fam. bonis obtinet, sed solum de peculio adventitio vel
Profectio intelligenda: non autem de castrensi vel quasi. De
qvibus eis omnino testari licet (q) cum in his filiis fam. pro pa-
tribus habeantur (r) (z. Servi. (s) qvia nihil proprii habent, de
qvo testari possint, sed omnia statim Dominis suis acqvirunt (t)
& hoc rursus in tantum se extendit, ut ne quidem, eorum, per-
mittente Domino facta testamenta subsistant. (z. De statu suo
dubitantes vel errantes, qvoniā incerti & dubii sunt de volun-
tate sua, an valitura sit: nam incertus de statu suo certam legem
testamento dicere non potest. (u) nisi singulare aliud privilegi-
um habeat, veluti miles (w) (4. Capti ab hostibus. (x) qvoniā
hostium servi sunt (y) & sic alienæ potestati subjecti sunt. (z)
Testamenta autem qvæ ante captivitatem fecerunt, dum adhuc
in civitate erant, valent vel jure postliminii, si ab hostibus redie-
rint, vel fictione legis Corneliaz, si illic decesserint. (z) Secus si
qui à latronibus capiuntur, qui testamenta valida atque efficacia
condunt. (a) Sic & nulli jure testandi hodie ob captivitatem, in
orbe Christiano perpetuam, privantur. Nam cum bella gerun-
tur inter Christianos, nulla captivitas, qvæ servitutem induce-
ret; sed bella tantum civilia intelliguntur (b) (5. Obsides. Ni-
si eis permittatur à Principe. (c) captivis enim æqviparantur (d)
(6 Capitis damni (e) jure antiquo. Qvod hodiè sublatum est
(f) nisi sint damni ob crimen laſe Majestatis qui testari non

possunt

(g) l. fin. Cod. qui test. fac. (r) pr. Inst. b. t. l. 6. ff. de iniust.
rapto. (s) l. 16. & 19. ff. cod. (t) §. 1. Inst. de bis qui sui. (u) l. 14.
l. 15. ff. qui test. fac. (w) l. 11. §. 1. ff. de test. mil. (x) l. 16. 18. &
24. ff. de capt. (y) §. 4. Inst. de Jure perf. (z) l. 8. pr. ff. qui
test. fac. (z) §. 5. Inst. qvib. mod. jus patr. & §. fin. qvib. non
est perm. (a) l. 13. ff. qui test. fac. poss. (b) Duar. ad l. ff. tit.
p. 318. (c) l. Obsides ii. b. t. (d) l. 31. ff. de jure fisci. Duar. id.
l. Schlit. de jure obsid. c. 9. tb. 3. n. 14. (e) l. 8. §. 1. ff. qui test.
fac. l. 13. ff. b. t. l. 25. ff. de acqvi: & amitt. hered. (f) avib.
bona damn. C. de bonis profscript. Conf. Sax. p. 3. C. 6. Coler.
dec. 34.

possunt (g.) [7. Deportati. (h.) [8. Banniti seu proscripti Imperii
(i.) [9. Monachi , qvia nihil proprii habent, atq; sic servis quo-
dammodo æqviparantur. (k.) [10.] Hæretici & eorum fautores,
(l) licet nondum conyicti & ex communicatione damnati, testes
adhiberi possint in alieno testamento (m.) [11. Apostatae ad judai-
sum vel paganismum deficientes, (n) qvo etiam referunt incan-
tatores & lamias (o) [12. Manichæi (p) nisi liberos religionis or-
thodoxæ hæredes instituant. (q) [13. Usurarii manifesti. (r) [14.
Avtochires. Qvia nullus est Dominus membrorum suorum.
(s) adeoq; & nullus ipsa natura qvali repugnante , se ipsum de
statu mortalitatis deturbet , & hinc meritò secus faciens, pro-
pter desperatum id facinus testandi licentia privatur. Qvod
tamen limitandum existimo : an qvis ex conscientia sceleris sibi
manus violentas intulerit : aut ex causa morbi vel alicujus dolo-
ris acutioris & vehementioris ; priori modo testamentum nul-
lum est : imprimis, si ob crimen morte piandum conscientiam
vulneratam habuerit : (t) Posteriori conservatur , qvia ob dolo-
rem testatores eos extra se positos existimandum est. (u) [15. Pe-
regrini, nisi id singulariter impetraverint à Principe. (v.) Qyam
prohibitionem sustulit Imperator Fridericus , qui omnibus pe-
regrinis hanc testamenti factionem concescit Const. Frid. de sta-
tu & consuetudine. (x) Verum hæc constitutio in Germania, Italia, ali-
isq; in locis quidem obtinet , sed in Gallia & ut laudatus com-
memorat Limnaeus, Lithuania, Moscovia , Tartaria universoq; ve
Turcico Imperio, utuntur communiter jure Albinagii , qvo pe-
cuniam s. bona peregrinorum morientium fisco annumerant.

A 3

Num.

(g) ord. crim. art. 106. & 118. (b) §. 2. Inst. de cap. dim. l. 8. §. 2. ff.
de qvi test. fac. (t) Gail. lib. 2. c. 6. n. 9. & 10. (k) avth. ingress. Cod.
SS. Eccl. nov. 123. c. 38. (l) l. 4. §. 5. &c. avth. credentes cod. de
hæret. (m) Duar. ad l. 1. ff. qvi test. fac. (n) l. 2. 3. 4. Cod. de Apost.
(o) D. Stranch. disf 9. aph. 11. (p) l. 4. §. 5. Cod. de Manich. (q)
l. 15. Cod. cod. (r) cap. 2. de usu. in bto. (s) l. 13. ff. adl. Aquil. (t)
Carpz. p. 3. c. 6. Def. ult. Struv. Exerc. 32. tb. 8. (u) Struv. d. l. l. 3.
ff de bon. qvi mort. sib. (v) avth. omnes pereg. cod. de commun.
succ. (x) tit. I. §. 10. (y) Limnaeus in notitia Regni Francie l. 2.
6. 7. p. 584. & seqq.

Num. VII.

Exposita testamentorum prohibitions ex uno capite sequitur altera, quæ sit ob defectum aliquem, qui rursus duplex occurrit: aut enim est animi & judicij, aut corporis. Obillum à testamentis faciendis arcentur. [1. Impuberes, quia nullum eorum animi judicium est (2) [2. Prodigi. (a) quibus bonorum suorum administratio interdicta est (b). At si quod ante bonorum suorum interdictionem fecerant, illud omnino valeret, quia prodigus nemo censetur, antequam ei bonis sit interdictum. Facultatem tamen testandi habet in aliquibus casibus in Novell. Leon. (c) expressis. Videlicet si posteritati sua benè consulat, omniaque probè disponat, aut si legatum ad pias causas faciat, quia factio testamenti eis interdicta est, tanquam prodigis, non verò ut hominibus de rebus suis prosperè disponentibus.

Num. VIII.

Tertid. Mente capti. (d) cuius differentiam cum furiosis recte Mynsing (e) notat, quod furiosus nempe rabie quādam animi agatur; at mente captus magis in quiete sit, nullaque extirsecus violenta signa ostendat, quem & alias dementem vocant. (f) [4. Furiosi (g) quia eorum nulla est voluntas (h) & licet post testamentum factum, compotes mentis facti fuerint; nihilominus invalidè testantur (i) cum, ut supra monitum, testator sanæ mentis sit, eo tempore, quo testamentum facit. (k) Sed quod ante furorem fecit, valet, nisi & cum subitanus furor intervenerit. Atq; hujusmodi furiosi æquiperantur ebrii & irati, quorum testamentum in ira & ebrietate confectum itidem haud subsistit quia talis deliberato & sano judicio destitutur. (l)

Num.

(z) §. 1. Inst. quib. non est. l. 5. §. 19 ff. quitest. fac. l. 4. Cod. cod. (a)
§. 2. inst. b. t. l. 18 ff. cod. (b) §. cod. b. t. (c) 39. (d) §. 4. Inst. de curat. (e) in expl. Inst. p. m. 116. §. 4. de curat. (f)
Balz. l. 1. §. furiosi. Alcia. in suis Parerg. lib. 2. Parerg. 6.
§. 16. (g) §. 1. Inst. quib. non est perm. (h) l. 40 ff. de R. J. (i) d. §.
1. Inst. b. t. (k) l. 2 ff. quitest. fac. (l) l. 48 ff. de R. J. Job. Strauck,
Dis. 9. ib. 8.

Num. IX.

Ob posterius seu defectum corporis testamenti factio inhabetur [i. Surdis & Mutis. (m) nisi à Principe eam imperaverint (o) vel scribete sciant. Considerandum tamen in ipsis primū an quis conjunctim mutus & surdus à natura sit, qualis nec testamentum, nec quamlibet aliam supremam voluntatem facere potest, nequidem ad pias causas, quoniam eū mutus animi sui sensa commode declarare, & surdus tanquam talis testium respondentium sermonem audire nequit. (o) Vel an sit surdus & mutus simul ex aliquo casu accidenti & is, siquidem literas scit, testamentum suā, non alienā manu scribere, nisi & hoc à Princeps imperaverit, permisum haber, quod si scribere nesciat etiam testari nequit, cum nec fidei commissa quidem nutu rellicta validia sint, (p) nec eo modo codicilliari indulgeatur.

Num. X.

Vel porro videndum, an quis surdus tantum sit articulatā-que voce loqui valeat, qualis testamenti factionem habet, etiam si literarum sit imperitus. Aut demum an quis aures quidem apertas, sed lingvam sive ex accidenti sive natura impediatam habeat, is non aliter jus testandi habet, quam si peritus literarum & scribat & alia juris communis solennia in testando observet. Nisi alio gaudeat privilegio, quod à testandi solemnitate eum quodammodo excusat, [z. Ob defectum corporis per modum communem testare prohibentur Cæci, qui orbati sunt lumine utroque possunt tamen, si observent formam à Justino Imp. D. Justiniani nostri Patre præscriptam. (q)

Num. XI.

Cognitis personis quæ testari prohibentur, facilè erit scire, quæ testandi licentiam habeant, scil. in quibus cessat prohibitio. Qui quidem formam testandi observent, prout ea jure civili definita est. Diversæ autem testamentorum formæ à primordiis Imperii Rom. Civibus præscriptæ fuerunt. Namque in statu Roma-

(m) §.3. Inß. b.t. (n) l.7 ff. b.t. (o) l.29. Cod de test. (p) in l. nutu ibi glo. Et Bart. de legat. 3. (q) l.21. Cod. qui test. fac poss.

Romanorum Democratico seu populari primum in observantia
fuit testamentum, Calatis Comitiis dictum i. e. Populo per cor-
nicinem, civitatem circuineuntem, centuriatim convocato. Dis-
ferebant enim comitia à consilio, quia comitiis calatis s. convo-
catis, totus populus ob causam aliquam publicam , aut statum
concernentem adesse jubebatur, consilium verò erat, ubi à Ma-
gistratibus judicij causa congregatio fiebat , vel ubi Imperator
Officiales bellicos convocaverit. (r.) Sed verò præter illa Comi-
tia centuriata, alia sunt dicta curiata qvæ per lictorem curiatim
calari ceu convocari solebant. De qvib[us] A. Gellius & Adria-
nus Turnebus, qui adhuc communium & militarium comme-
morat, videre licet. (s.) Et isto testamenti genere utebantur tem-
pore pacis (t) quo comm uniter bis in anno dicta comitia fieri
consueverunt, ubi testaturi, Populo audiente, supremam volun-
tatem declarabant, obtestabanturq[ue]; Qvirites ut ratam eam ser-
varent (u.)

Num. XII.

Belli verò tempore genere testamenti gaudebant, qvod in
procinctu appellari moris erat: nunc upantes eo supremam vo-
luntatem coram militibus, aut commilitonibus in pugnam itu-
ris. Qvod nomen in procinctu sortiebatur eo, qvod militibus
in castris , in qvibus ea testamenta siebant, sine nota distinctos
versari non licuerit. Qvinidm hoc grande scelus morteque
piandum, si quis ambulaverit, aut vallum discinctus subire ten-
taverit, militaris disciplinæ severi censores crediderunt. Cu-
jus exemplum Tacitus Annal, (v) fist: t. & pluribus hæc Barna-
bas Brissonius (x) & Francisc. Duarenus (y) edocent. Sed cum
vel propter expeditionum celeritatem stationes hujusmodi mi-
litum sèpius intermitterentur, de quo Cicero (z) conqueritur
nulla inquietus, perennia servantur. Nulla ex acuminibus, nul-

li vi-

(r) Turneb. advers. lib. 13. cap. 13. pr. (s) A Gell. lib. 15. cap. 26.
Turneb. lib. 13. pag. 434. (t) §. 1. Inst. b. t. (u) Schneid. ad inst. tit.
de testam. ordinand. rubr. qvot sunt species testamentorum, (r)
lib. II. (x) select. antiquit. lib. 2. c. 7. (y) comment. ad tit. P. qui
test. fac. pos. p. 322. (z) lib. 2. de Nat. Deor.

li viri vocantur: Ex quo testamento in proiectu perierunt. Sed cum pacis tempore multi, ut ut maximè in votis habuerint, testamentum facere non potuerunt, quia Comitiorum tempus vel nondum instabat, aut subitanè morbo corripiebantur; ex quo eos decedere intestatos oportuit.

Num. XIII.

Itaque ut malo isto obviam irent Romani inventa est alia testamentorum forma, per as & libram dicta, qualis omni tempore tam belli quam pacis, omnibusque personis idonea erat, siebatque per familiæ emancipationem hunc in modum: Quinque advocabantur testes, Cives nempe Rom. puberes, quibus adstabat librifrons (sic à libra & pendendo, sive ponderando nominatus quasi ponderator; magis enim ponderare, quam dinumerare pecuniam veteres solebant) & familiæ emptor, qui testantis familiam seu patrimonium quasi emebat hisce solennibus verbis: Hanc ego familiam, quæ mihi emta est hoc ære, æneaque libra, jure Quiritum, meam esse ago. Deinde ære percutiens libram, id as velut pretii loco dabit ei, à quo hereditatem expectabat, (qui Antestatus alias dicebatur) pro ut morem pristinum illum descripsérunt. Barn. Brissonius (a.) Ulpianus, aliye,

Num. XIV.

In hujus locum post invaluit & successit testamentum Prætorium. Qvod ante constitutiones Principum fuit in usu, & à Prætoribus introductum; siebatque in praesentia testium, quorum numero septem reqvirebantur cum firmamento eorum signaculorum. Deinde præter formam à Prætoribus præscriptam Imperatores Theodos. & Valentin. insuper desiderabant subscriptionem testatoris in praesentia & conspectu testium; vel si testator literas ignorabat, o clavus nomine ejus subscribens adhiberi debuit. (b) Qvod Imperator ramen Justinianus correxit eo casu, quo testator propria manu testamentum conscripsit, idemq; in testamenti tabula contestatus sit, ubi aliam subscriptionem haud requirit. (c)

B Num.

(a) select. antiqu. lib. I. c. 7. Ulpianus in fragm. tit. 20. (b) l. 21. Cod. de testam. (c) l. 28. §. 1. Cod. cod.

Num. XV.

Igitur solennis forma testamenti demum ex triplici jure qvæ si concrevit nempe Civili, Prætorio & Constitutionibus Principiis. Qibusdam tantum personis & causis exceptis, ubi ob singulares qualitates datum est citra solennitatum harum observantiam testamenta condere, de qvibus infra pluribus. Solennia verò sunt nuncupativa vel scripta: In testamento scripto testator cælat voluntatem suam testib⁹ in nuncupativo verò revealat: vel ipsaq; ejus sunt naturæ, ut earum solemnitatum una deficiente, invalidum atq; nullum reddatur testamentum. Suntq; ea ut (d)(r.) testator habeat testamenti factionem, qvæ in quavis ultima voluntate desideratur. Secundò ut testamentum fiat uero contextu & actu continuo, adeo ut nullus actus alius testamento intermisceatur: nisi sit actus, qvem morbi, aut naturæ necessitas exigit, ut vietus necessarii vel potionis oblatio vel medicamentis datio (e).

Num. XVI.

Tertiò ut adhibeantur testes idonei & qvidem numero septem (f) si testator literas novit, si non octavus adhibendus, qui testatoris loco subscribat. Qualis numerus septenarius etiam iure imperiali novissimo requiritur. (g) In Hungaria verò duo testes sufficiunt, sed additur his Notarius vel alia jurata persona, qvæ testatoris supremam voluntatem in scripturam redigat. In Transylvania fermè eodem modo observatur, ubi duo vel tres sufficiunt testes, per verba: (h) Qilibet testamentum facere voleans, debet id facere in præsentia duorum aut trium testium virorum per testatorem uno & eodem tempore simul ad id vocatorum, vel etiam si non vocati casu intervenerint & tamen præsentes per testarem postea ad id rogati sint.

Num.

(d) l. 21. §. ult. ff. qui test. fac. poss. (e) 28. Cod. de testam.
(f) §. 3. Inst. de testam. l.21. Cod. cod. (g) Recess. Imp. de anno
1512. tit. von Instrumenten§. nun die Form Sc. (h) Jus Mu-
nitip. Saxonum in Transylv. lib. 2. tit. 5. §. 4.

Num. XVII.

Qyoniam hic testium mentio sit, nec abs re erit paucis hic considerare subjectum, qvod testimonium perhibere potest in alterius testamento scil. Possunt omnes esse testes, qvibus non interdicitur testimonium à lege (i) Prohibentur autem testes esse Mulieres (k) excepta testatione in Codicillis. (l) ut & in minus solennibus, de qvibus jam dicendum erit. (m) Secundò Hermophroditii in qvibus sexus foeminitus prævalet (n) 3. Impuberes propter imbecillitatem animi (o) 4. Servi. (p) 5. Muti & surdi (q) 6. Cœci, cum testatorem non videre, nec sigillum recognoscere possint, qvæ tamen necessaria requisita perhibentur. (r) 7. Heredes in eo testamento instituti atque consanguinei ejusdem liberive & domestici. (s) qvia reprobatur hæc in re domesticum testimonium; (t) atque nemo in sua causa testis idoneus est. (u) Legatarii & fiduciocommissarii licetè ad testimonium adhibentur (r) 8. Hæretici, Manichæi & Apostata. Si illi secundum tenorem avthenticæ Friderici contumaciter in hæresi perseveraverint. (x) 9. Improbi, intestabiles, furiosi, [damnati publico vel privato judicio, veluti furti] &c. & tandem ii, qvibus bonorum administratio interdicta est (y)

Num. XVIII.

Quarto ad solenne testamentum reqviritur, ut testes specialiter sint rogati ad testandi actum & præmoniti de causa, ad

B 2

qvam

- (i) l.1. §.1. ff. de testam. (k) §.6. Inst. de testam. l. 20. §. 6. ff. eod. Dn. Straub. Exerc. 10. apb. 15. Carpz. p. 1. c. 16. def. 51. n. 2.
(l) gloss. in l. fin. Cod. de Codicilli. (m) Carpz. p. 3. c. 4. def. 30.
(n) l. 10. ff. de stat. hom. & l. 15 ff. qviteſt. fac. (o) §. 6. Inst.
(p) §. 6. Inst. b. t. (q) §. 6. Inst. eod. (r) l.1. ff. eod. (s) §. 9.
Inst. de test. (t) l. 10. Cod. de testib. (u) l. 10. ff. de testib. (v) §.
11. Inst. d. t. & l. 20. pr. ff. qviteſt. fac. (x) auct. credentes cod.
de bæret. & manich. l. 3. Cod. de Apostat. l. 21. Cod. de bæred.
(y) §. 6. Inst. de test. l. 26. ff. qviteſt. fac. l. 14. ff. de testib.
Dn. Straub. Exerc. 9. apbor. 19. l. 18. §. 1. qviteſt. fac.

quam adhiberi debeant. (z) Nihil autem refert, sive ab ipso testatore, sive alio sint vocati (a) Quid in Hungaria quoque in viro obseruantia est. Sed Jus municip. Saxonum in Transylv. abhaec dispositione recedit. Idemque esse contendit: an uno eodemque tempore vocati vel non vocati casu intervenerint, dummodo praesentes per testatorem ad id rogati fuerint, per verba supra allegata. Quinto testes corpore & animo praesentes requiruntur, ut non tantum testatorem loquenter audiant, sed & praesentem videant. (b) Nam aliquin fieri posset, ut quis vocem pro testatoris subornaret, ut huc ab altera internosci nequeat, velut si paries vel velum inter testes & testatorem interpositum esset, quo casu testamentum conditum non subsisteret. (c) (d)

Num. XIX.

Sexto requiritur, ut testator directo heredem instituat (e). Sine institutione heredis enim testamentum est nullum, quia ex institutione heridis testamenta vim accipiunt, ita ut ista caput ac fundamentum totius testamenti appellari mereatur (f) Nihil vero interest, sive pure sive sub conditione heres scribatur. (g) Sive sub conditions impossibili, talis pro non scripta habetur. (h)

Num. XX.

Et quidem cum de heredum institutione in hoc requisito agitur, videndum quoque mihi erit, qui heredes institui possint: scil. omnes, quibus jus acquirendi ex testamento est concessum. (i) Nihilque interest an sint liberi an servi, si modo hiliberatem, vel ex dominorum persona se heredes esse sperant (k) quod multo

(z) l. 21. pr. ff. qvi test. fac. l. 21. Cod. de testib. avib. rogati cod. de testib. R. Imp. de anno 1512. von Testamenten. (a) l. 1. §. ult. simen. fals. (b) §. 3. Inst. de test. l. 9. Cod. eod. l. 20. §. 9. ff. eod. Carpz. p. 3. c. 3. def. 24. n. 5. (c) l. 9. Cod. de testib. (d) l. 21. Cod. de test. (e) l. 14. l. 29. Cod. de test. (f) §. 34. Inst. de leg. (g) §. 3. Inst. de hered. Inst. l. 33. ff. eod. (b) §. 10. Inst. b. t. l. 15. ff. de cond. inst. (i) §. 5. Inst. de hered. qualit. (k) l. 31. ff. de hered. insti.

multò magis obtinet in famulis & ministris hodierni temporis,
qvi liberi homines sunt. Nec obstat porrò, sive successores sint
noti sive ignoti, incerti institutio nihilominus valet, modò ex
eventu certi esse possint. Potest etiam qvis Academias, Civita-
tes, Collegia & Pauperes heredes instituere (1) Imò & Deum
ipsum Angelosve, (m) & tunc ejusmodi hereditas vel ad pios
usus, vel etiam in almoniam pauperum elocatur.

Num. XXI.

Heredes autem esse nequeunt. [1. Peregrini (n) Cujus cen-
trarium hodiè observantia introduxit. Deportati & in opus pu-
blicum damnati: (o) Item damnati ad tritemes, & banniti ab
Imperio. (p) Hæretici (q) Apostatae (r) Filii reorum perdu-
ellionis (s) Collegia illicita (t) Princeps litis causa (u) Monachi
non quidem omnes, sed Franciscanis seu Minoritæ (v) qvod tamen
hodie correctum est in Concilio Tridentino. Denique adultera
ab adultero institui heres nequit. Qvod tamen juxta Carpz, (x)
non amplius observatur.

Num. XXII.

Septimò in testamento soleniter facto desideratur, ut testa-
tor nomen subseribat (y) nisi totum testamentum suâ manu
scripserit, nam tunc necessariam non esse subscriptionem testa-
toris supra dixi. Octavo. Omnes testes ad testamentum ad-
hibiti propria manu subserbant testamentum & exprimant, qvi
& cuius testamento subscriperint (z) nihil in tali loco fiat, ubi

B 3

tot

(1) l. 6. §. 1. l. 43. Cod. de Episc. & Cler. (m) l. fin. Cod. de S. S.
Eccles. (n) l. 6. §. 2 ff. de hered. Inst. l. 1. cod. eod. (o) d. l. 1.
& l. 2. l. 17. §. 1. de pœn. (p) B. Brunnem. (q) l. 4. §. ipsose:
& avi. credentes Cod. de heret. (r) l. 1. l. 3. Cod. de Apost. (s)
l. 5. §. 1. Cod. ad l. Jul. Majest. (t) l. 8. Cod. de hered. inst.
(u) §. fin. Inst. quib. mod. test. (v) Clem. I. de V. S. (x) lib. 2.
Jurisprud. Confist. def. 14; (y) l. 21. pr. Cod. de test. (z) l. 30:
ff. qui test. fac. poss.

tot literati non inveniuntur, tunc alius pro alio scribere potest.
(a) Denique reqviritur ut testes singuli signacula sua testamento imponant. (b) Nihil autem refert sive proprio, sive alieno annulo hoc fiat; testesque omnes uno annulo, sive pluribus signaverint (c) adeò, etiam si testatoris annulo urantur. (d) quo casu quidem consultum est, ut exprimant in subscriptione, se in defectu proprii annuli, alieno usos fuisse. (e) Sed tamen ea omissa testamentum conditum non vitiatur. Quidam imò dicta non solum de annulo vero & formalí intelligenda sunt, sed & de alio signo signatorio, modo characterem habeat, pro ut Dn. Struvius (f) & B. Brunnemannus (g) docent, qvia signatio non ab annulo, sed à fide signantis dependet, atqve sic tanquam testis voluntatis consideratur (h) Atqve hujusmodi solennitates omnes reqviruntur in tali testamento ad evitandas fraudes, qvæ facile circa ultimas voluntates committi solent.

Num. XXIII.

Hodie frequentiora solent esse Testamenta Judicialia, ut pote in quibus testes & scrupulosæ qualitates eorum non desiderantur (i) Siqvad in his Judicis autoritas, numerum & præsentiam testium supplet, qvâ æqvè suspicio fraudis tollitur. (k) Cætrō qvæ in his reqviritur primò Judicis autoritas, qvi quidem an competens vel minus (l) an superiorum vel inferiorem jurisdictionem exerceat, nihil intereft (m) Secundò testatoris præsentia ita ut testamentum neqvè per nuncium, neqvè in volucrum Epistolicum Judici seu actis insinuari possit, Jūdex enim numerum quasi 7. testium præsentat, atqve hinc non minus

- (a) l. ult. Cod. de test. Carpz. p. 3. c. 3. def. 1. n. 6. (b) § 3. & 5. Inst. de test. (c) d. §. 5. Inst. eod. (d) l. 22. §. 2. ff. qvæ test. fac. (e) Ludwell. Exerc. ad Inst. 7. tb. 12. l. f. (f) Exer. 32. tb. 10. (g) ad l. 22. ff. qvæ test. fac. (h) D. Gerhard. Disp. de solenn. 2. tb. 85. (i) l. 19. Cod. de testam. l. 27. Cod. eod. Berlich. p. 3. conc. 4. n. 2. (k) Conſt. Elect. 3. part. 3. ibique Carpz. dec. II. (l) 19. Cod. de test. im. Richter. Decis. 30. n. 29. (m) Berlich. part. 3. conc. 4. n. 32.

nus atque testes à testatore videri debet. (n) Sed tamen hic distinguendum an testator ob infirmitatem personas judiciales ad se accersat, vel ipse judicium aeat. Priori casu Judicis & Actuarii accessum & præsentiam sufficere contendit Dn. Struvius (o) Sed in Electoratu Sax. (p) Judex Scabino stipatus, aut duo ad minimum Scabini desiderantur: posteriori verò, ubi depositio testamenti in loco judicij sit, ibi Judicis & Actuarii præsentia sufficit; imò si Actuarii copia haberi nequeat, solus Judex validè voluntatem ultimam suscipere potest, dummodò consignet, qvod tūm Notarii præsentia frui non licuerit. Sic & Nobiles coram actis proprii sui judicij testari valent, si scultetum & scabinos paganos cum Judicij Actuario adhibuerint. (q) Scultetus autem cum Scabinis non sufficit, qvia hi jurisdictionem non habent, sed tantommodo Ministri & Executores Dominorum Jutisdictionalium existunt. (r)

Num. XXIV.

Seqvuntur jam testamenta minus solennia, in quibus enumeratae solennitates diversimodè sunt remissæ: sunt autem ex seqventes I. Testamentum Parentum inter liberos, in quo Parrens liberos absqvè ullis solennitatibus heredes & successores bonorum suorum nuncupare vel instituere valet. (s) Et qvidem si parrens bona sua inter liberos per nuncupationem distribuenda putaverit, tum sola voluntas sufficit, ad ejusqve probationem duo tantum testes reqviruntur: qvi qvidem fide digni desiderantur à Carpzovio (t) ubi tamen non excluduntur fœminæ, qvia cognitionem causæ præsentis, qvatenus ea jure Gentium reqviritur, sufficere autumat Gail. (u) Si verò Parrens distributionem

(n) l. 12. Cod. de testam. (o) Exerc. 32. tb. 9. (p) per dec. 45. (q) Hartm. Pif. p. 3. qvest. 28. n. 4. (r) Berlich. dec. 93. n. 9. Richt. dec. 30. n. 31. Finckelthaus obf. 75. (s) l. 21. §. i. Cod. de test. Struv. Exerc. 32. th. 18. Richt. decif. 29. pr. (t) p. 3. c. 4. d. 15. & Hart. Pif. p. 1. qvest. 1. n. 11. (u) lib. 2. obf. 112. num. 6. Pantlchm. pag. 32. qvest. 1. n. 31. Richt. dec. 29. n. 18.

nem Scripturæ beneficio expedire maluerit, tūm qvælibet sche-
dula sufficit, licet à testibus subscripta non fuerit, neqve à testato-
re ipso sigillata, dummodò manū propriā, si literas edoctus, eam
consignaverit, non verò signis solum expresserit, atqve insuper
tempus & liberorum nomina, itemqve unciarum numerum seu
signa rerum specialium declaraverit (v) Imò etiam testamentum
tale valet secundum Gotfredum in Not, ad d. Ayt. lit. D.
si alius scriperit, & parens tantum subscripterit, ut &, si quidam
ex liberis subscriptionem annexerit, qvod ex Nov. qvadam pro-
bare satagit : (x) qvæ tamen perpetam allegata videtur, atqve
hinc recte qvoad ultimum positionis suæ membrum dissentit
Cujacius (y) Sed qvoad priùs portius facrem cum Gotfredo,
qvem seqvitur Richter (z) In utroqve tamen casu removebun-
tur dubia, si testator postea coram duobus testibus professus fue-
rit, in istâ Scripturâ testamentum suum contineri, modò deinceps appareat eam scripturam esse, de qvâ testator antea senserit
(a) In genere verò privilegia hæc testandi non modò patri, sed &c
matri & reliqvis Ascendentibus competunt per ea qvæ tradit
Carpzov. (b) itemqve locum habent in liberis ulteriore gradum obtinentibus. (c) ut & naturalibus (d) Convenit tamen qvavis modo parentibus ne per ea testamenta liberis legitima-
m adimant (e) Ut qvam hi semper titulo institutionis hono-
rabilis salyam habere debent (f).

Num. XXV.

Secundum testamentum est militis, qvo militi propter pu-
blicas & periculosas occupationes jurisqve ignorantiam, juxta
& favorem militiae, sine ullis solemnitatibus, qvo vult & qvo
potest, modo, etiam nutu, testari permittitur (g) adeò ut ne te-
stis

(v) Ayt. b. qvod sine Cod. de testam. Nov. 107. c. 1. (x) nov. 107.
cap. ult. (y) tract. 3. ad African. l. 6. ad l. Cor. de fals. (z)
d. decif. 29. n. 38. & seqq. (a) Hart. Pift. d. qvæst. 1. n. 9. (b)
part. 3. c. 4. d. 16. 17. (c) Hart. Pift. d. l. n. 16. (d) d. l. dec.
24. (e) Nov. 115. c. 5. lib. Cod. famil. ercis. (f) d. Nov. 115.
(g) l. 35. ff. de test. milit.

stis desideretur, sed effectum sortiatur ultima voluntas, sive ea in
vagina, sive in alia quacunqve materia, sanguine, sive in arena
gladio scripta fuerit (h) Sic & si per nuncupationem testari cu-
piat, duos testes adhiberi satis est (i) parvumq; hic refert, utru ii
fuerint rogati vel casu advenerint, vel mulieres. Dummodo
personæ testantis & negotii præsentis scientes extiterint. Ita
nec militi prohibitum est pro parte testatum & pro parte intesta-
tum decedere (k) Nec in ejus testamento falcidæ detracatio lo-
cum obtinet. (l) Nec ei hereditatem directò codicillis dare in-
terdicitur (m) vel ad tempus vel ex certo tempore, vel ex condi-
tione, vel in conditionem heredem relinqvere (n) Ast verò hoc
solum de militibus armatæ militiæ intelligendum est, qui in ex-
peditione, vel in castris constituti sunt, (o) quales etiam cen-
tentur esse limitanei & prædiarii, cum primis obsidionis aut
periculi bellici tempore Reces. Imp. (p) Quinimò non verò id
extendendum ad milites rogatos, ut sunt Doctores Professores
& Advocati, hi enim solennitates supra dictas observare tenen-
tur. Eodem testandi privilegio cum militibus armatæ militiæ
fruuntur quoque Clerici campostres, Consiliarii bellici, Me-
dici militares & Mercatores victualium seu venalitiatores ca-
strenses Marchetenter, (q)

Num. XXVI.

Tertium testamentum est Rustici, cui hoc ab Imper.
Justiniano est remissum, ut cum multis in pagis vix septem ido-

C nei

(b) l. 15. Cod. de testam. milit. (i) d. l. 40. ff. (k) l. 6. ff. de
testam. milit. l. 10. ff. eod. l. 7. ff. d. R. J. (l) l. 17.
§. fin. ff. ad L Falcid. l. 7 Cod. eod. (m) l. 36. pr. ff de mi-
lit. testam. (n) l. 15. §. 4. ff. eod. (o) l. 17. Cod. de test. milit.
l. 24. ff. eod. (p) de anno 1512. tit. von Testamenten §. und
sollen die Notarien (q) Struv. Exerc. 34. tbes. 4. Finckel-
thaus obs. 46. tb. 16. & seqq.

nei testes haberi possint. (r) ideoque sufficient illiterati, dummodo plurium aut peritorum copia haberi non posse (s) nec praeceps eorum subscriptio requiritur, nisi sit unus & alter scripturae gnarus, quod tunc pro reliquis subscribere potest. (t) Et hoc etiam observari in Electoratu Saxonico tradit Carpzov. (u) Verum Dn. Struv. (v) & Richt. (x) In Provinciis Saxoniciis [forsitan aliis extra Electoratum] firma dicunt esse Rusticorum testamenta coram Parocho & duobus testibus, etiam non rogatis, ruri condita; ubi testes quidem ad probationem, Parochus vero ad fraudes & calumnias testium evitandas adhibeantur. Sic & testamentum tale validum esse idem testatur Richter, si coram tribus testibus sit conditum & Parochus illud scripsit, id quod dispositioni Juris Canonici in quovis actu duorum vel trium testium numerum duntaxat desiderantis (y) convenire videtur. Quæ ipsa etiam in Pannonia observari solent, ubi coram Parocho vel Judge ejusdem pagi & duobus testibus adhibitis rusticis iure testari possunt.

Num. XXVII.

Quartum testamentum est pestis tempore conditum. In quo necesse non est, ut testes uno codemque contextu jungantur, sed sufficit si per inter valla advocentur & compareant, sed ex dictis sepius uno deficiente testamentum non subsistit. (z) Alii tamen in Imperio docent, quod pauciores quandoque testes testamenta pestis tempore condita sustinuerint velut quinque si magna & dura pestis grassetur, si vero ipse testator laboret, aut ejus domus infecta sit, duo vel tres satisfuisse (a) quod singulari quorundam locorum observantia relinquo. In terris vero Saxonici singularis reperitur constitutio, qua hisce in testamentis binarius testium numerus sufficit, dummodo testator ipse peste de-

(r) l. 31. Cod. de test. (s) l. fin. cod. cod. Recess. Imp. Colon. de anno 1512. Tit. von Testamenten §. und sollen die Notarien. (t) d. l. ult. Cod. cod. ibid. B. Brunn. in Comment. (u) p. 3. c. 4. def. 30. (v) Exer. 32. tb. 17. (x) decis. 28. n. 2. (y) c. 23. tb. 28. X. de testib. (z) l. 8. Cod. de test. Berlich. p. 3. concl. 5. n. 6. Carpz. p. 3. c. 3. def. 22. n. 4. (a) Gail. lib. 2. obs. 118.

decumbat, aut domus ejus infecta sit [p. 3. c. 4. Finckelthaus ob-
serv. præct. 7. Dn. Joh. Philippi ad decis. Elec. 46. obser. 2.] simi-
lem Dispositionem reperiri & observari in Palatinatu ducatu
Würtebergensi, Civitatibus Lubeca & Hamburgo testatum facit
Anton. Bullæus ad l. 8. Cod. de testam. n. 23. Nec hic quidem ne-
cessaria est testium rogatio, nec præcisè masculi desiderantur,
cui & foeminarum fides hoc in casu sit approbata. (b) Verum ne
fallaciæ & fraudes committantur hic, oportet testes videre testa-
torem, atque de testamento ejus juratum testimonium perhibere.
(c) in reliqvis hoc genus testamenti fermè convenire cum mili-
tari nota Gail. (d) qvæ tempore pestis etiam bellum qvæsi inter
Deum & homines esse censemur. Valeiq; testamentum tale etiam-
si pestis cessaverit per tradita, (e) Carpz. & Rauchbart.

Num. XXVIII.

Quintum & ultimum testamentum minus solemne est ad pi-
as causas in qvō relictum à testatore sive per institutionem, sive
per legatum valet favore piaæ cause adhibitis solummodo duo-
bus testibus (f) nihilqve refert, utrum masculi s. foeminae testi-
monii causa adhibeantur, cùm in his jam jam à me recensitis mi-
nus solemnis testamentis jus Gentium magis, qvam civile at-
tendatur. (g) Sub nomine autem piaæ causæ intelliguntur Eccle-
siæ, Academizæ, Xenodochia, Pauperes & Stipendia qvæ Studio-
ris exhibentur & similes: non verò eo nomine veniunt ea, qvæ
Pastoribus & Ecclesiæ ministris relinquntur aut debentur, [uti
id exprimitur in ord. process. Sax.] (h) nisi universo ministe-
rio vel collegio relictum fuerit: qualia sub appella-
tione priori comprehenduntur.

(b) Carpz. p. 3. c. 4. def. 6. Struv. Exer. 32. tb. 21. (c) Coler. p. 2.
dec. 250. (d) lib. 2. obs. 118. n. 18. (e) Carpzov. p. 3. c. 4. def. 5.
Rauchbart. p. 1. quest. 20. n. 33. (f) c. relatum II. X. de testam.
Carpz. p. 3. c. 4. def. 33. (g) p. 1. dec. 28. n. 8. (h) tit. 45. vers.
Weil wir aber.

SOLI DEO GLORIA.

C 2

Clariss.

Clarissime REICHARDE.

I Nelytam Gentem tuam ex Juris Cæsarei & Canonici fontibus Constitutiones suas hæfisse manifestum est. Ita & Processum Judicariæ um in causis incœrandis, prosequendis, discutiendis & terminando secundum Juria Justiniane figuram ordinasse palam est. Nam Regem CAROLUM eundem ex finibus Gallie in Regnum Hungarie induxisse Civis Tuus STEPHANUS WERBEVZI restatur: (a) eandemque formam ad huc usque tempora (variatis solummodo per publicas Constitutiones quibusdam terminis) inviolabili observantia custodiri asseverat. Atque hinc jam tunc superiori seculo HUNGARICA Viros scientia legum & literarum Romanorum insignes, velut: JOH. SAMBUCUM, ANDR. DUDITHIUM, JANUM PANNONIUM aliasve referente Augusto Thuanio, (b) produxit: Quare & tu amicissime REICHARDE. non abs re Majorum premens vestigia fundamentum Constitutionum Hungaricarum, quatenus imprimis causas respiciunt privatas, eas Alemannicis Academiis petiusti, & bujus tue Juris Romani peritiam specimine publico comprobatum ivisti: Quod ut sine controversia laudabile est; ita non possum non ob natum hunc Numen venerari, ut indies abbinc majora virtutis & felicitatis incrementa Tuus spectare liceat.

Dab. è Musæo d. XXIX Novembr.

Aano MDC LXXV.

Tuus ex animo

Johan. Carolus Næfius,
D. & Præses.

(a) in Opere Tripart. Constat. Regn. Hungar. part. 2.
tit. 6. fin. (b) lib. Histor. 19. & 61.

Sicuti

SIcuti tandem latitantis ignis
Flamma prorumpit tenues in auras,
Ecce! REICHARDI, mea pars medullæ
dimidiumq;;

Fama, qvam curâ vigili parâsti,
Laude Te tollit geminâ Themisq;,
Jura dum tractas, propius perennes
Spondet honores.

Irriti Sumtus minimè fuere,
Temporis longi neq; pœnitere
Te potest, laudes, decus ac Honores
Te comitantur;

Ut redis doctus, Tibi sic salubris
Et Tuis gratus; meritò probatum
Tale laudamus Specimen, qvod affert
pagina præsens.

*Hec Doctiss. Dn. Autori,
Conterraneo & Amico honoratissimo
gratul. posuit,*

M. Johannes Fridericus Etelius,
Posoniens. Hung.

Was

Was hilfft verborgen Gold in reicher Menge
haben?

Was ist ein Schatz den man versencket in den
Sand?

Was nutzt die Saat / die nicht gebiehrt ein
Weizen-Land?

Wie kan ein Mensch sich bloß mit dessen Wissen
laben?


Die Erde / die ihr Pfand in Klüfften hält vergraben/
Schadt ihrem Acker-Mann: So ist es auch bewand/
Ist jemand aufgeziert mit Weisheit und Verstand/
Mit Kunst/Geschicklichkeit/und andern schönen Gaben/
Und niemand weiß darvon. Worzu ist ihm die Kunst?
Was nutzt die Wissenschaft? Sein lernen ist umsonst.
Das weist du wol/ mein Freund / drum wilstu dahin
streben/

Daz man erkennen mag der Gaben reiche Zier/
Die sich bey dir auffhält. Nun wol/ Gott sey mit dir!
Daz an dir Freud und Trost die Elteren erleben.

Hiemit wolte seinem werthgeschätzten Stuben-
und Tisch - Gesellen / vertraulichen und
Brüderlichen Freund/ wie auch vielgelieb-
ten Special - Landsmann / den Herrn Ant-
wortenden / beehren

M. Andreas Titius,
Polonio-Hung.

OS(*)/50



94 A 7371



St.

94 A 7371

V3 17

DISP

TOM

B.I.G.

Black

3/Color

White

Magenta

Red


Yellow

Green

Cyan

Blue

Farbkarte #13



DISSERTATIO JURIDICA

*Quam
De*

33

XXVIII

Testamentis solen- nibus & minus solennibus.

Magnifici & Nobilissimi JČtorum Ordinis indultu,

SUB PRÆSIDIO

VIRI

Nobilissimi, Amplissimi atq; Consultissimi,

DN JOHANN. CAROLI NÆVII,

J. U. Doct. & Curjæ Provincialis, qvæ hīc est,
Protonotarii,

*Dn. Promotoris & Preceptoris sui etatem
deverrandi*

Publicæ disquisitioni subjicit

ANDREAS REICHARDT

Posonio-Pannonius

In Acroaterio Juridico

ad d.

M. DC. LXXV.

Literis MATTHÆI HENCKELII , Acad. Typogr.

